



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIA PROTIV KORUPCIJE
ANTI - CORRUPTION AGENCY

DATE/A:	01.10.2014
REFERENC-Ë:	AKK-DPK
PËR/ZA/TO:	znj. Mimoza Kusari – Kryetare në Komunën e Gjakoves
CC:	
PËRMES/PREKO/THROUGH:	
NGA/OD/FROM:	Hasan Preteni, Drejtore i Agjencisë kundër Korrupsionit
TEMA/SUBJEKAT/SUBJECT:	Opinion lidhur me ofrimin e këshillimit profesional për parandalimin e konfliktit të interesit në ushtrimin të funksionit publik

E nderuar znj. Kusari-Lila,

Lidhur me kërkesën tuaj drejtuar Agjencisë kundër Korrupsionit (DPK-03-3575/14), ju njoftojmë se në kuadër të kompetencave të Agjencisë kundër Korrupsionit lidhur me çështjen e konfliktit të interesit, sipas Ligjit për Parandalimin e Konfliktit të Interesit në Ushtrimin e Funksionit Publik (në tekstin e mëtejshëm Ligji për Parandalimin e Konfliktit të Interesit), Agjencia kundër Korrupsionit, ndër të tjera, bën këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave (neni 19, pika 1.5).

Prandaj, duke u përgjigjur pyetjes tuaj konkrete se a paraqet konflikt të interesit pjesëmarrja e juaj si kryetare e Komunës (Zyrtare e lartë Publike) në cilësinë e vëzhgueses gjatë intervistimit të kandidateve për Drejtor të Bordeve të Ndërmarrjeve Publike lokale të Komunës së Gjakovës nga Komisionet e Aksionarëve.

Agjencia kundër Korrupsionit si institucion kompetent lidhur me parandalimin e konfliktit të interesit në ushtrim të funksionit publik, në bazë të Ligjit Nr. 04/L-050 nxjerr këtë:

OPINION

Pjesëmarrja e juaj si kryetare e Komunës së Gjakovës (Zyrtare e lartë Publike) në cilësinë e vëzhgueses gjatë intervistimit të kandidateve për Drejtor të Bordeve të Ndërmarrjeve Publike lokale të Komunës së Gjakovës nga Komisionet e Aksionarëve, nuk paraqet konflikt të interesit dhe nuk është e ndaluar me ligjin në fuqi, mirëpo është obligim i çdo zyrtari që të shmang çfarë do situatë të mundshme të konfliktit të interesit.

Arsyetim

Agjencia kundër Korrupsionit është institucion i pavarur të cilit me ligj i janë besuar përgjegjësi të veçanta. Sipas nenit 5 (paragrafi 1, nën paragrafi 1.5) të Ligjit nr. 03/L-159 për Agjencinë kundër Korrupsionit, Agjencia është autoritet qendror i cili ndër të tjera bën edhe mbikëqyrjen dhe parandalimin e rasteve që kanë të bëjnë me konfliktin e interesit si dhe ndërmerr masat e parapara me ligj.

Rrjedhimisht, çështja e konfliktit të interesit në ushtrimin e funksionit publik është e rregulluar me Ligjin Nr. 04/L-051, për Parandalimin e Konfliktit të Interesit në Ushtrimin e Funksionit Publik (në tekstin e mëtejme Ligji për Parandalimin e Konfliktit të Interesit). Situata për të cilën ju keni pyetur shprehimisht nuk është e përcaktuar në Ligjin nr. 04/L-051 për Parandalimin e Konfliktit të Interesit në Ushtrimin e Funksionit Publik.

Sipas nenit 6 të ligjit Nr. 04/L-051, për Parandalimin e Konfliktit të Interesit në Ushtrimin e Funksionit Publik, Konflikti i interesit - është gjendja e mospajtimit ndërmjet detyrës publike dhe interesave private të zyrtarit të lartë, kur ai ka interesa private të drejtpërdrejta ose të tërthorta, personale ose pasurore, të cilat ndikojnë, mund të ndikojnë ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik.

Në bazë të nenit 7.6 të këtij ligji thuhet se : Zyrtari i lartë gjatë ushtrimit të funksionit publik nuk ka të drejtë të krijojë marrëdhënie varësie nga persona tjerë që do të mund të ndikonin në paanshmërinë dhe shprehjen e vullnetit të lirë në vendimmarrje.

Po ashtu edhe në piken 8 të këtij neni zyrtari i lartë nuk duhet të lejoj që interesat e tij private të bien në konflikt me funksionin e tij. Ai duhet të shmang konfliktin e interesit pavarësisht nëse ai është real, apo i mundshëm, ndërsa sipas nenit 8 të këtij ligji, të gjithë zyrtarët e lartë kanë detyrë që të parandalojnë konfliktin e interesit dhe të zgjidhin vetë brenda afatit ligjor, dhe në mënyrën më efektive të mundshme, çdo situatë të konfliktit të tyre të interesit.

E nderuar znj. Kusari- Lila, Bazuar në atë qe u tha me lartë lidhur me çështjen e ngritur nga ana e juaj si dhe në bazë te ligjit në fuqi, ju rekomandojmë qe te ndërmerrni te gjitha masat konform këtij opinionit si dhe në bazë te kompetencave tuaja si institucion ta konsultoni dhe të bazoheni në ligjin mbi ndërmarrjet publike, ligji mbi administrimin e pushtetit lokal si dhe me statutin e komunës se Gjakovës.

Me respekt!

